

Ard-Mhúsaem
na hÉireann
National Museum
of Ireland

Páirc Thurlaigh



Léarscáil

Fáilte chuig Ard-Mhúsaem na hÉireann, Páirc Thurlaigh

Tá an Músaem suite i measc gairdíní áille Theach Pháirc Thurlaigh i gContae Mhaigh Eo, áit a bhfuil Bailiúchán ar Shaol na Tuaithe in Éirinn. Féach ar bhailiúchán luachmhar na ndéantán seo a cheiliúránn éagsúlacht an ghnáthshaoil in Éirinn, ó thír agus sráidbhaile go baile agus cathair. Tá ceithre urlár i gceist leis an Músaem seo ag Páirc Thurlaigh agus insítear scéalta clúiteacha agus iontacha araon.




Tá an Músaem Náisiúnta ag Páirc Thurlaigh suite i measc 30 acra coillte, páirce agus gairdíní galánta. Tá Bailiúcháin agus gailearaithe an Mhúsaem i bhfoirgnimh chomhaimseartha a dhear Oifig na nOibreacha Poiblí in 2001. Tá teach Gotach Vichteoiriach a tógadh in 1865 ar an suíomh agus tá tithe lasmuigh, tithe gloine ornáideacha, áit suí faoin aer in aice le loch agus clós súgartha úrnua a tógadh le déanaí ann. Bain taitneamh as suaimhneas ár Músaem, siúlóid nádúir agus tar éis sin, téigh chuig ár siopa agus caifé.





Tá ról ríthábhachtach ag an Músaem maidir le roinnt de na bailiúcháin is fearr ar domhan a bhaineann le hoidhreacht luachmhar na hÉireann a bhailiú, a choimeád, a chaomhnú agus a chur i láthair. Ní hamháin go ndéanaimid ár ngailearaithe a thaispeáint, ach déanaimid teagmháil le pobail éagsúla ó gach cearn, chomh maith le scoileanna, scoláirí, agus taighdeoirí.

Reáchtálaimid imeachtaí, ceardlanna agus gníomhaíochtaí ó cheann ceann na bliana a cheiliúránn ár mBailiúchán agus ár gcultúr. Bíodh sé ag féachaint thart ar thaispeántais idirghníomhacha, ag freastal ar chainteanna nó ag glacadh páirt i gceardlanna, bainfidh gach duine tairbhe éigin as. Féach ar ár suíomh gréasáin chun eolas a fháil ar imeachtaí atá le teacht nó téigh chuig Fáilteán na hÉireann le haghaidh tuilleadh eolais.



Is í Páirc Thurlaigh ar cheann de na ceithre láthair Ard-Mhúsaem na hÉireann i gContae Mhaigh Eo agus Bhaile Átha Cliath. Cuireann an Músaem le comhchuímhne agus féiniúlacht na ndaoine a bhfuil naisc Éireannacha acu go háitiúil, go náisiúnta agus go hidirnáisiúnta.

Páirc Thurlaigh



Áiseanna	
	Fáiltiú
	Faisnéis
	Leithris
	Leithris Inrochtana
	Friotháil Naíonán
	Léachtlan Ciosamhairc
	Bealach Éalaithe
	Leabhar Cuimhne
	Áit Scíthe
	Limistéar do Leanaí
	Seomra Oideachais
	Limistéar Radhairc Áite
	Staighre
	Ardaitheoir

Éide Thraidisiúnta & Réamhrá

LÁTHAIR 1 & 2

Réamhrá ar bhailiúchán Shaolna Tuaithe a bhfuil rogha éadaí a caitheamh in 1937, ar na hOileáin Árann, amach ó chósta Chontae na Gaillimhe.

Spóilíní tuadóireachta
F:1968.332

An Rómáns & An Réaltacht

LÁTHAIR 3

In amanna, sílimid go raibh cúrsaí níos simplí agus níos rómánsúla san am a chuaigh thart ach a mhalairt a bhí fíor. Bhí na coinníollacha maireachtála crua, an bhochtaineacht agus an t-ocras mar chuid dár stair freisin.

Téad ualaigh
F:1955.103

Ag Rothaíocht ar Fud na Tíre

LÁTHAIR 4

Rianaigh stair agus forbairt an rothair chomhaimseartha ón tráth a bhí sé ina phríomh-mhodh iompair in Éirinn go dtí go raibh gluasteáin inacmhainne.

Rothar
F:2011.3

Na hAmana

LÁTHAIR 5

Féach ar an dóigh ar athraigh gluaiseachtaí polaitíochta agus athruithe sóisialta móra idir 1850 agus 1950 an tír ó bhonn.

Plopa caitheamh tobac cré
F:1954.31

An Timpeallacht Nádúrtha

LÁTHAIR 6

Do roinnt mhaith daoine, is iad na hacmhainní nádúrtha sa tírdhreach áitiúil a shocraigh saol na tuaithe in Éirinn. Shocraigh flúirse agus ganntanas cad a úsáidteá chun do theach a thógáil agus a fhearastú.

Cliabhán caolaigh
F:1957.100

Tuí, Féar & Luachair

LÁTHAIR 7

Foghlaim faoi ghliceas agus faoi cheardaíocht na ndaoine a d'úsáideadh na hábhair nádúrtha seo chun gnáthrudáí a chruthú le húsáid sa bhaile agus ar an bhfeirm. Úsáideadh tuí agus luachair in áit crua-adhmad agus leathair toisc go raibh siad níos saoire.

Hata luachra
F:1964.68

Ceirdeanna & Ceardaíocht

LÁTHAIR 8

Rinne idir fhir agus mhná cuid mhór gnáthrudáí sa bhaile ach in ainneoin sin, bhraith gach pobal ar shaineolas na gceardaithe áitiúla fós. Foghlaim faoina n-uirlisí agus scileanna.

An Scoil & An Pobal

LÁTHAIR 9

Cuir do laethanta scoile i gcomparáid le chéile agus éist le ceachtanna scoile fadó.

An Bhliain in Éirinn

LÁTHAIR 10

Roinnte idir na ceithre shéasúr, foghlaim faoin dóigh ar cheiliúir pobail Éireannacha féilte agus nósanna na bliana féilire agus béim ar leith ar thús gach séasúir.

Cros Bhríde
F:1942.183

An Baile

LÁTHAIR 11

Tar isteach i dteach traidisiúnta Éireannach agus éist le ceol traidisiúnta cois tine. Féach ar thoscán an teaghlaigh agus na réada a úsáideadh chun cócaireacht, glanadh, agus níochán a dhéanamh.

Lampa pairifín
F:1968.154

Éadaí & Teicstílí

LÁTHAIR 12

Féach ar roinnt de na héadaí, a dhéanadh na mná dóibh féin agus dá teaghlaigh, ó lomra caorach go héadaí críochnaithe.

Geansaí Árann
F:1942.1899

Talamh & Uisce

LÁTHAIR 13

Féach ar an obair mhaslach a rinne na feirmeoirí agus na hiascairí a bhíodh ag iascach ár n-uiscí cósta agus intíre chun iad féin agus a dteaghlaigh a chothú agus bia a thabhairt dóibh.

Beathaitheoir caorach
F:1964.32

Fórsaí an Athraithe

AREA 14

Airgead, tionscal, meaisíní agus céim ar gcúl ó shaothrú na talún. Éist le hagallaimh a phléann an dóigh ar tháinig athrú ar an saol in Éirinn le linn na gcaogaíid.

Eolas do Chuariteoirí

Chun eolas a fháil ar thaispeántais reatha agus atá le teacht, scan an cód seo.

Uaireanta oscailte

Dé Domhnaigh & Dé Luain: 13:00 – 17:00

Dé Máirt – Dé Sathairn: 10:00 – 17:00

**Tá fáilte roimh chách agus tá saorchead
isteach ann ag gach láthair.**

**Lean muid agus faigh níos mó eolais ag
museum.ie**



Féach thart ar láithreacha Ard-Mhúsaem na hÉireann eile



**Dún Uí Cholleáin
Baile Átha Cliath, D07 XKV4**

**Áirítear leis na bailiúcháin
Ealaíona Maisiúla, Dearadh,
Stair Mhíleata agus scéalta faoi
leanúnachas agus athrú ar fud
shochaí na hÉireann.**



**Sráid Chill Dara
Baile Átha Cliath, D02 YK38**

**Tá roinnt de na déantáin is
sine agus is luachmhaire in
Éirinn anseo. Áirítear leis na
bailiúcháin Seandálaíocht,
Éigipteach, Lochlannaigh
agus Ór.**



**Mar charthanacht, braithimid ar fhlaitiúlacht
ár dtacadóirí chun cabhrú linn bailiúcháin a
cheiliúran stair, cultúr agus staid na hÉireann
a chaomhnú, a chosaint, agus a roinnt.
Scan an cód MR chun síntiús a thabhairt.**